



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1431. usque ad annum 1441

**Fleury, Claude**

**August. Vind. [u.a.], 1768**

**VD18 90118316**

§. 2. Papa cum Græcis Ferraria Florentiam abit.

---

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

Sæcul. XV.  
A. C. 1439.

tificali ornatu insignis, Cardinalibus, Archiepiscopis, Episcopis, ceterisque Prælatibus stipatus confessum adiit, & Archiepiscopum Gradensem ambonem conscendere iussit, ut translationis Bullam perlegeret, qua latino idiomate recitata Archiepiscopus Mitylenensis Imperatoris iussu eandem Græce redditam promulgavit. Ea hisce verbis concepta erat: *Convenit Ferrariæ Synodus Oecumenica eo consilio, ut illam inibi absolveremus, sed quia eam urbem pestis mortifera obsidet, idque hybernæ tempore, ne vere etiam grassetur, secundum leges & Canones Synodum hanc Ferrariam transferimus Florentiam.*

§. II.

*Papa cum Græcis Ferraria Florentiam abit.*

*Conc. Gen.  
Labb. to. 13.  
p. 219.*

Hoc diplomate promulgato, mox Papa de necessario comœatu, aliisque itineris subsidiis liberaliter Græcis providebat, atque eisdem die duodecimo Januarii pro quatuor mensium spatio bis mille quadringentos duodecim florenis numerari præcipiebat, ac undeviginti florenorum millia Constantinopolim mittebat, ut urbs illa adversus Turcarum impetus muniretur. Tandem sexta decima Januarii Ferrariensem civitatem reliquit: ante illum præferebatur juxta av-

*Sguropul.  
hist. Conc.  
Flor. sect. 7.  
cap. 14.*

tam summorum Pontificum ita facientium consuetudinem Sacratissima Eucharistia in arcu quadam reposita, quam Viri plurimi accensos cereos gestantes comitabantur. Postea Eugenius tiaram in capite gerens Pontificali amictu, atque Majestate insignis equo vehebatur, Marchione Ferrariensi frænum tenente, donec Eugenius extra urbem egressus esset. Hoc comitatu delatus est ad Monasterium S. Antonii, quod, utpote cuidam flumini proximum, peropportunum judicabatur, ut Papa navem conscenderet, indeque Mutinam, urbem Ferrariam inter & Florentiam via paulisper ad dexteram declinante sitam, concederet. Ergo in dicto Monasterio substitit, & eodem die diversatus est, hymnumque vespertinum decantari jussit; celebrabatur enim ibidem S. Antonii vigilia; postera autem die decima septima Januarii Mutinam perveniens prandio se refecit. Inde itinere terrestri Florentiam contendit, illum semper comitante Marchione Ferrariensi, & præsidaria armatorum manu ejusdem latera cingente. Hæc de itinere Eugenii ex Græcis concilii Florentini actis mox relata, ægre concordari valent cum iis, quæ S. Antoninus, & Sguropulus nobis testata reliquerunt; Narrant illi, quod Papa tantum viginti domesticis stipatus, cum hostium insidias summopere vereretur, non-

Sæcul. XV.  
A.C. 1439.

Antonin. tit.  
22. c. II.  
Sguropul.  
loc. cit.

Dd 3

nisi

Sæcul. XV. nisi sub alieno habitu per averfa, ac de  
 A. C. 1439. via itinera periculum evaserit. Ex his  
 dem græcis hujus Synodi actis, quæ Im-  
 peratoris & Patriarchæ in urbem Floren-  
 tinam ingressam summopere deprædi-  
 cant, discimus, Græcos, Papa jamjam  
 discedente paucos adhuc dies Ferraria  
 commoratos fuisse.

*Labbe Conc.*  
*tom. 13. p.*  
*1032. & 222.*

Ubi omnes Florentiæ advenerant  
 Græci in Palatio Imperatoris congregati  
 de Sessionibus, quomodo essent perage-  
 ndæ, consilium habuerunt, ac ex suis quor-  
 dam ablegarunt, qui Latinis significarent  
 ex parte sua præsto esse omnia, nilque  
 reliquum, quam ut ipsi Sessiones incho-  
 rent. Latinis vero sciscitantibus, an con-  
 ventus publice, vel privatim haberi desi-  
 derent, responderunt Græci, magis sibi  
 privata probari colloquia. Igitur ad evi-  
 tandum confusionis periculum conclusum  
 est, ut deinceps in summi Pontificis pa-  
 latio conventus agerentur. Jamque ad  
 illud accedere parati erant omnes, & ec-  
 ce! Patriarcha gravi morbo corripitur,  
 tamque pertinaci pedum tumore tenetur,  
 ut nequidem moveri valeret. Quapro-  
 pter Patres Sessionem primam Concilii  
 Florentini ad feriam quintam secundæ  
 hebdomadæ in quadragesima, quæ erat  
 vigesima sexta Februarii dies, distulerunt,  
 ingenti Patriarchæ desiderio, qui saltem  
 pri-

primæ huic Sessioni interesse optaverat, Sæcul. XV.  
 satisfactori. A. C. 1439.

## §. III.

*Prima Concilii Florentini Sessio.*

Cæpta est ergo præstituto die prima *Conc. to. 13.*  
 Florentinæ Synodi sessio, cui tamen *p. 223.*

non minus ac subsequenter Patriarcha  
 adversa valetudine præpeditus, assistere  
 haud poterat. Totam hanc Sessionem  
 tenuit prolixus admodum Dialogus inter  
 Imperatorem doctrinæ splendore illu-  
 stre, & Cardinalem Julianum, tandem-  
 que conclusum, ut ad conciliandam con-  
 cordiam utrinque opportuna excogita-  
 rentur media, ac propterea convenirent  
 Græci, de modo ineundæ pacis delibe-  
 raturi, suumque consilium in proxima Ses-  
 sione aperturi. Quo comperto Impera-  
 tor unacum Prælati Patriarchæ domum  
 accessit, & de via in hoc rerum cardine  
 aggredienda consilium iniit. Verum cun-  
 cti Præsules Imperatori respondebant:  
*Nos medium ullum nec habemus, nec propo-  
 nimus: sed quia die Sabbati debemus respon-  
 dere latinis, prompti quidem sumus, sed pe-  
 tat Imperium tuum, ut pars utraque priva-  
 tim conveniamus, & Deus de unionis modo  
 providebit.* Idcirco Græci septem ex suis  
 eligebant, qui Latinorum argumentis re-  
 sponderent: hi erant, Antonius Hera-  
 cleen-